

در سعادته یکی پرسته خانه قاروشونده
 اثره مخصوصه در
 محل اداره:

مراط قلم

۱۳۲۶

انظار:

سلکمه موافق آثار جدیده مع المنزیه قبول اولنور
 درج ادیبین آثار اعاده اولنور

دین، فلسفه، ادبیات، حقوق و علوم دن باحث هفته لق رساله در

در سعادته نسخه سی ۵۰ پاره در

قیریلدن مقوا بورو ایله کوندریلیرسه سنوی
 ۲۰ غروش فضله آلتیر.

در سعادته پرسته ایله کوندریلیرسه ولایات بدلی اخذ اولنور.

توسدیرلی: ابوالعلا زین العابدین - ح. اشرف اویز

تاریخ تأسیسی:

۱۱ نومر ۳۲۴

سنه لکی القی ایاقی

۳۵ ۶۵

۵۰ ۹۰

۵۰ ۹۰

در سعادته

ولایاتده

ممالک اجنبیه ده

غروشدر

برنجی سنه

۳۲۶ ذی الحجه ۷ پنجشنبه ۱۸ کانون اول ۳۲۴

عدد: ۱۹

مخصوص حیات و حرکتدن محروم بر ذره نك یرده و کوکده بولونامایه جفته نظر آجبع کائناته ذی حیات معناسیجه حیوان اطلاق جائز اولایلیر . یارادیلیشی روح ایله جسمك ترکیله حاصل وشو ترکیب و امتزاج واسطه سیله آثار بدیعه اختراعنده بین المخلوقات بیعادل اولان افراد بشر كرك ظاهری و كرك معنوی حرکاتنده جسمه ساری روحك جسمه اجتماعی اعتباریله ایفای وظیفه ایتمکده در . مثلاً : وجدان سلیم ، بره مصنوعه عجبیه اولان انسان وسائر نك برخالق اولمق لزومنی تسلیم ایدر ، دیه قفس جسمه داخل و مخرج روحك ، نفس ناطقه نك ، قلب حقیقینك حکملرینی و نیم ناموسم ، معبود حقیقی یه پرستشه بنی مجبور طوتیور بولنده کی قرارلرینی بیان ایدن انسانلر البته کندیلرندکی روح ومعنی جهتیله حکم ویرمش اولدقلرینی ، بووامثالی احکام وجدانیده اصلا افراد انسانیه ارالرنده فرق بولونمادیغنی بیلرلر [دین الهیت تعیین بیوردینی وظائفك اعتقادی و عملی اولمق اوزره ایکی به انقصابی حکمتی تظاهر ایتمش و دین یالکز امر و وجدانی اولمایوب بدنك عمل ظاهر سی دخی ایکی رکن دیندن بری اوله رق تعین ایله مشدر] شو حالده فطرت ذاتیه و اخلاق جبلیه لرینه بالاکتساب ضم و علاوه ایلدکلی علوم و معارف ، هنر و صنایع انسانلرک روح ایله جسمدن مرکب اولمقرینه خال ویرمدیکی کبی معارف حقیقیه دن و علوم ضروریه بشریه دن بی بهره قالمقرینه هئث اصلیه لرینی تبدیل ایدمیز .

بناء علیه بر کیمسه نك علمای دیندن اولمسی ، و متدین بولنسی خلقت بشریه یی ، مدنیت حقیقیه یی تغییر و تبدیل ایدمیه جکندن علماء دینه « مأمورین روحانیه قسم روحانی » تعبیرلرله جمعیت بشریه دن و حرکات ظاهره مدینه حقوقدن و بلکه معلوماتدن خارج طو و لمالری جائز اولاماز . روحانیلری جسمانیلردن اییرمادقچه و یا خود دهاموغریسی امور عامیه قاریشدر دقچه ترقی و اصلاحات ممکن دکلدركی و قوفسز ، دیاسز سوزلر شایان استغراب سافسطه لردندر . بروسه معنوی : همز فیزی

صراط مستقیم

صراط مستقیم ، بو مسئله یی اهمیت عظیمه ایله تعلق ایدر و حقائق اسلامیه دن بی خبر بعض کسانك اسلامیتك منع ایتمش اولدینی رهبانیتی بزده موجود ظنیله محرر فاضلك بحق شکایت ایتدیکی وجوب تفرقه یه قائلیتك ابتنا ایلدیکی اساسلرک سخافتی اثبات و نقطه نظر منوی محافظه اسرنده قریباً بمنه الکرم مدال و مفصل مقاله لر نشر ایدمچکی کی ، صحائفی خارجدن اهدا اولنه جق بوقبل آثاره کشاده بولندیر مقوله ده افتخار ایلر .

اسلام و ترك عالمی :

روسیه مسلمانلرنده دیل و ادبیات

روسیه مسلمانلری اوروپا و آسیا قسمی اعتباریله تاتار ، میشار ، باشقورد ، نوغای ، قافقازیلر ، قیرغیز ، ترکمن ، صارت ، اوزبک ، تاجیک ناملریله برچوق قبیله و انسابك برلشمه سندن متشکل برملت در .

دیناً و اکثری نسبتاً هپ برادرلر . فقط لسان و عادت و طرز معامله لری آری آری در . ترکستانی برصارت — ذاتاً مسلمان اولدینی حالده — قزانی بر تاتار ایله قونوشماز ، و مسلمان نامیه الفت حاصل ایدمیز . شیوه و مقصودی افشاده کوسترین باشقه لقلر پك بیوک مشکلاتی موجب اولور . . دینی ، سیاسی اجتماعلر ، اسلام نامنه یاپیله جق اتحادلر نصیب اولماز . [شواعتباردن روسیه نك ایکنجی مجلس مبعوثاننده اوتوز بش قدر اسلام وکیلی بری دیکریله روسیجه سویله شمه یه مجبور اولدیلر .] اولیله ایسه بویله بر قومك ادبیاتی نروده اولور ؟ البت ادبیاتدن کلیاً محرومدلر . بونکله برابر جزئی بر جنسیت تعصیبله ده مبتلادرلر . دیلر بر اصول و قاعده یه تابع دکل . هله جملر ، ترکیلر ، اضافلر ، حتی عطفلرینه ، کله انتخاباتنده اولان دوغوسزقلر واملالرنه کلنجیه قدرجه سی اصلاح ایدیله جك ، اوقومه و اوقومه قولای اولمایان و مطلوب ترقی یه سرعت ویرمیه جك بر حالده در . یازیلری ، الفبالری ، اکسك . ذاتاً یازیلری بر استوغرافیه در . هیچ بر اصوله تبعیت ایتمز . کیمی خط تملیق ، کیمی نسخ و ثانی آکدیرر صورتده یازار . بری دیکرك مکتوبی بویله طایماز . بر مملکت و بر اقلیمده اولان مسلمانلرک حالی اجلاً شودر . ایشته اجنبی مملکت مسلمانلری ایله اوله جق معامله لر قیاس ایله منفهم اولیور . نه عظیم بر افتراق ، نه سوبلنه میه جك بر برادلق . .

لسان مسئله سی شیدی بزم ایچون اك مهم و اك مشكل بر مسئله در . واهذا بوراده کی مسلمانلرک بواحتیاجنی حس ایدنلری آره صیره اجتماع ایدر ، بو مسئله حقنده بر قدر [خیلی] تعاطی افکار ایدر ایسه ده ، یننه نتیجه سزدر . زیرا بالاده تعداد ایتدیكم قبائلدن هر بری کندیسنه مخصوص بر ادبیات انشاسنی دعوی ایدر ، مسئله یننه میدان آلهماز ، وجوددن محروم قالیر ، فکرلر نابود اولور . بوندن اوتری صوڪ و قتلر ظهور ایدن غزتلر کندیلرینه مخصوص بر شیوه ایله یازدیلر . عوماً نه روسیه مسلمانی آکلار ، نه عثمانلی ترکی ، نه ده باشقه لری ، هیچ

شیدی هوماً ترکلرک اساس و لغتی اعتباریله بر قدر کلام سر دینه مجبور اولدم . سوز طبعی اوزانه جق در . بوندن طولانی بنی معذر کوره رك باغشلارلر امیدیه قارئین کرامك عفونی استرحام ایدرم . لسانغز عن اصل ترك لسانی در . اصول صرفیه و ترکیبیه سی جهتنجه غایت مضبوط ، همده غایت سهل بر ایت در . بواغبار ایله لغتزد ، هیچ بر قصور یوق . قواعد صرفیه من و ترکیبیه من صرف و نحو عرب کبی واسع دکلمه ده ، بوده قواعد منزه سهولتی ، ایجازی ، انضباطی دیمك اولدیفندن ، بزشو خصوصی محاسن لغتزدن عد ایدرک ، لغتزد قصورندن عداً تمه یی موافق کور میوزر . صرف و نحو عربك نساغنه بزم اصول لغویه منزه ایجازنی قیاس ایدرک لغتزدك قصوری استتاج ایدیله من . زیرا قواعد لغویه منزه کالی لغتک احوالی ضابط ، وافی ، تماماً مطابق اولمق در . اتساع ، یاخود ایجازك بوراده هیچ دخلی یوقدر . و اعتبار ایله لغتزدك کال و فوقیتی دعوا ایدر طورور ایسه ک لغتزد ر جهتن اولان غایت بیوک قصور دن غفلته دکل . زیرا

کندوسنک جزئی بر مشغولیتندن و حرکات عادیه سندن حکایه ایدر بر آدم کندی تعبیرات واسلوبنه اوفاجق بر ملاحظه فی صرف ایدر سه اغتده اولان شو قصه ووردن غافل اولمی ممکن دکل . بوکون نشر اولنش علوم و فنونک اتساعنه ، لغتک ادبیاته واقف بر آدم نصل بویه قصور دن غافل اولسون ؟

امت ترکیه غایت قدیم بر امتدر . دولت فرسیدن اول و صوکر ا ترکلرک غایت بیوک دولت و مملکتلری موجود ایدی . امت ترکیه قدیم اولدینی کبی لغت ترکیه ده پک اسکی بر لغتدر . اوللری هر بری دیگرینک دینی ، سولایه یکنی آکلار ، هپ اجتماع ایدر ، مملکت تشکیل ایدر و برلکده یشار اولمشدر . شولسانک بسیطلکی ، آکلا شیلیر بر طرزده اولدینی و متحد بولندینی اعتبارله پک چوق فتوحاته ده نائل اولمشدر . اون یدنجی عصرده روما قیصرینی ، آسیا و افریقا ولایتلرینی ، اون دردنجی عصرده بالقان یارم اطه سنده کی اسلاویان مملکتلرینی ، اون بشنجی عصرده یونانستانی ، اون اوچنجی عصرده روسیه نی تحت تصرفلرینه اخذ ایدن جماعت هپ اقوام ترکیه ایدی . فقط حوایج حیاتیه و اسباب خارجیه نک سوقی و دفعیه امت ترکیه اطراف عالمه داغیلغه باشلادیلر . شو امر تاریخی اقتضاسیه قوجه امت ترکیه بر چوق اقوامه منقسم اولوب هر قومک کندیسنه مخصوص اسالیب ترکیبیه سی و بوزمه شیوه لری اولمیه باشلامشدر . زیرا لغات و اسالیب ترا کبی بر قید دروننده محفوظ اولمیان هر قوم همسایه و جوارک شیوه افادانه میل ایتمی بر امر طبیعیدر . روسیه لغت ترکیه سنکده روسلاشوب عثمانلیر ، ترکستانلیر ، کلاتماق درجه سنه کلمی ده شومیه مبنی در .

هر حالده طبیعت دهرک تأثیری و سهام حوادثانک طعنیله امت ترکیه مختلف ادوار کچر مشدر . دیگر اشیای طبیعیه کبی بزم لغت ترکیه مزده درلو تعبیراتک بلاسنی چکمشدر . تغیر ایسه شوملک طبیعتی ، کال ایله ثبات و بقاده یالکز رب العالمینک شان سبحانیسی بولندینی جهتله شکایت ایتک یولنده دکلز . واقعی ، حکایت یولنده ، نذ کیدر .

أوت ، بزم امت ترکیه من پک قدیم بر امت ایسه لرده هر عصرک ترقیات علمیه لرندن اسباب کثیره نک اقتضاسیه دور و محروم قالب لغت ترکیه ده هچ بر عصرک علوم و معارفی اولدینی کبی ، کندی لسانلر نه کندی احوال حیاتیه و اجتماعیه و خارجیه لرینه ، هم عوامد جنسیه لرینه دائر هچ بر کتاب تاریخی ، یا خود لا اقل بر دیوان خرافی قالمشدر . قالمش ایسه ده خلقلری بو کبی اثرلری تتبع و تفتیش ایتمز و بو کبی مهم آثار عتیقه بخشنده اعتنا ایتیه رک عفو ایدلیه جک بر قصور ارتکاب ایتمشلردر . [۱] اجنیلر بولور ، تألیف ایدر ، ترجمه ایدر ، نشر ایدر ، بز

[۱] زیرا مونغولیا ده موجود الک قدیم ترک یازیسنی « رویجسکی یازو » آوروپالیر بولش ایدی . وطریق قرائتی ده کشف ایدن فنلاندیانک مفر حکومتی اولان « کیلسنیکفورس » دارالفنونی پروفیسوری موسیوه طومسون ، جنابلری ایدی . یویازی بی ترجمه سیله برابر ۱۸۹۴ سنه سنده طبع ایتدیره رک نشر ایتشدی .

هجرتک اوچوز قرق سنه سنده وفات ایدن امام ابو زیدین سهل البلیخی نک

همان باقارز ، تعجب ایدرز . شو سبیلردن طولانی بزم لغت ترکیه من ایکی بیوک بلایه کرفتار اولمشدر : بری علوم و معارفک تربیه سیله ترقی ایتیبو اسکی ساده لکنده ، اسکی دارلغنده قالمی در . دیگر کی مواد لغویه منک اغای بزه واصل اولمایوب اکثر یسنک ضیاعیه اسکی دارلغنه علاوه ده دارلشامی در . قرآن و احادیث سایه سنده لغت عربیه نک محفوظیتی کوزکزاوکنده ایکن ، لغتک بر قاموسی یا احوال حالیه منک بر دیوانی قالمسه ایدی لغتینه قدر محفوظ اولوری ، بوراسنی قیاس ایله آکلایکز . بر چوق کتب عربیه تدوین ایدن ترک علماسی نصل کندی لسانزده بر کتاب تألیف و جمع ایتدیه همت بیورما مشلر ؟ لسانک موادینی ضبط ایدن « لغت چغتای و ترکی عثمانی » و « آپوشقه » نامنده برایکی کتاب منظوم اولدیه ده بونلر ده پک مختصر اولمقله برابر قصور دن ده خالی دکلدر . مرایمی آکلانش ایسه لغت ترکیه منک اکثر موادینک ضیاعی اسلوب ترکیزک هر حالده ، هر حاجتده دیگر اقوامه اختلاطن سببیه کلیاً تبدیل و تمثیل اولندینی ظاهر اولمشدر ، ظنندیم . فقط مرادم بودکل . بورایه قدر یازدیغم ، مرادیه بر توطئه ، بر مقدمه طرزنده ایدی . یوقاری ده ویردیکم ایضا حادثن روسیه مسلمانلری و عثمانلی ترکلری نسباً و دیناً بر اولدقلری تمامیه آکلانشدر . ذاتاً تاتار عنصری ترک عنصری در . علوم و معارفک اوج کاله ارتقا ایتدیکی بر عصرده هر قوم اوز [کندی] لسانلر نه هم علومی ، هم معارفی ، هم ده کندیلرینک احوال تاریخیه لرینی یازوب ادبیاتلرینی عصرک ترقیسیله متناسب بر درجه ده تعالی ایتدر مشلر ایکن و بونک کبی عموم ایشلر ده مملکتک فرته باقیه رق ، اسکی خام دیل بر اقیله رق ، خصوصیه آوروپالیر اسقولاستیک ، لاتینجه ، یونانجه قالدیر لمقله ، خلق دیلنه صار لمقله اتحاده باشلامشلر ایکن ، عموماً بز ترک اولادی کندی منک شو اسکی صاف ترک دیلیزه مراجعت ایدرک مقصودیمیزی تمامه علی وجه السهوله افاده ایدر بر مفید لسان قولالانق و معارف دیلیمیزی و ادبیاتمیزی هپ شو لسان ایله نقل ایتک صورتیه ترقی و اتحاده باشلامامز الزم و واجب در دیک ایستهدم ، واجلاً مقصودمده شوایدی ، فقط اووقت بوکون اتخاذ ایتدیکن عثمانلی ادبیاتی اورته دن قالدیر یله جق و بو ادبیاته خدمت ایدن بر چوق ذواته سعیلری نابود اوله جق دیه هجوم ایده جکلری خاطر مدیدر . لکن قوجه بر امت ترکیه نک بیننه واقع اولان باشقه لاشمه لر و ارتباطلر لقلرک محوی کبی کلی برایشک انتقاسندن جزئی بریشک انتقاسی ارتکاب ایدلر که نه اولور ؟ ینه عثمانلیرک بو کون اتخاذ ایتدکلری شو ادبیات و معارف دیلی مدح ایدلیه جک و عینیه قبول اولنه جق ادبیات دکلدر . زیرا لسانلرینک هپ ثلثانی عرب و عجم لسانیه قارشمشدر . محافل عالیله لر نه اولانلرایله عوامی بویه ارتباط ایتز .

«البدأ والتاریخ» نامنده اولان تاریخی بر اثرینی بوکون فرانسزلر لسانلرینه ترجمه ایدرک طبع ایتشلردو . نسخه سی ده فرانسز قونسولوسی موسیو « کلان هوار » استانبولده بولش ایدی . هر سنه فرانسزلردن یوزلرجه رومانلر ترجمه ایدن عثمانلی قرداشلرین بو کبی اثره التفات ایتدکلرندن دیدیکمک مصداق جسمی درلر . هر حالده بو کبی شیلره اهتمام ایتیه رک غفلت و سکون عفو ایدلیه جک بر جنایتدر .

یازیلرینی اصلاحه محتاج درلر. دعوا منزه اگ عده اولانی آز برقصانه عرب حروفانندن آلدیغیز الفبایر منی مکمل ایدرک عوملاشدیرمق در. مکمل بر الفبا، مکمل بر دیل اولمادقجه مکمل بر اتحاد، مکمل بر مدنیق احتوا ایدر بیلمی یز؟ اصلاً ..

عوملاشدیرم، دیدم. زیرا بو کونکی بوسنه - هر سکی قارداش لر منک اکثری بوشنا قچه سویلر لر ولاتین حروفاتیلر یازار لر. اتخاذ ایتدک لری حروفات لسانلرینه تماماً او یغون ایدر عده دینی کتابلرینی او حرف لر و او دیل ایلر یازمق ممکن اولمادیغی دنطولای جا هل قالدقلرندن هر ساعت شکایت ایتدکده درلر. آنلرده عرب یازیسندن اقتباس ایدرک آز بر اصلاح ایلر بر یازی چیقارمق مشکلا شنه اوغرایور لر. طبیعی لسانلرینه شدت لزومی اولان g. c. n. j. i. j. حرفلرینه مقابل حرف لر انشا ایتک لازم کلیور.

بوندن یکر می سینه مقدم انکله ده بر مسلمان یوق ایکن شیدی لیور پول، مانچسترده یکر می اوتوز بیکی متجاوز اهل اسلام وارد. بونلر کی اور وپاده اسلامیق قبول ایدنلر دائماً تزیاید ایتدکده در. ایشه بونلرده دیل لری، حروفاتلری ایلر قرآن کریم کی دینی کتابلر یازمق مشکل اوله جق در. جله سی قبول ایدر صورتده واسع بر الفبا تشکیل ایتدکده من الزم در. فقط عادت ایدنیشز: بر مسئله یی حلدن اول خلقک تعصبی دوشونورز. بوقور قوالیه بر باد قالب کیدیورز. کندجه یازدیغ شیلرده خلقک تعصبی دوشونه جک برشی یوق. زیرا بن، خلق طرفداری یم. آنلرده دوشونور لر. ملی بر اتحاد قارشو طور مادقلرینه امین.

شیدی کینلر! املر! امیدلر! شومسئله لرک حل یی هپ سزک هتکزه باقیور. او شرط ایلر که تعصبدن بری اولمالیسکز. یقیله جق، ایشه یاراماز برشی سور وکر، آغیر اولمالیکز! ...

ع. سونرک - روسیه: اوف

صراط مستقیم

مقاله نك باحث بولنديني خصوصك اهميتي حقنده سوز سويله مه ي زائد كوريرز. مسئله سعادت استقلمز تعلق ايدیور. هر حيتی قلب بو كزیده مقاله نك هر كله مندن بر چوق فيوضات اقتباس ایدر. شومهم مسئله نك يالکز بر هفتیه عائد شون آرسنه قارشوب کیتسه نه هچ بر حيتی وجدان قائل اولماز. بنابرین موضوعك اهميتي حقنده بو وادید، کی اختصاصلریله افتخار ایتدیگیز حکیم شهیر احمد مدحت و امرالله و ولد چلی افندیلر حضراتیلر تورک تاریخی محرری نجیب حاصم و ترک مورخ شهیری بروسلو بیكباشی طاهر بکرك نظر دقت فاضلانلرینی دعوت ایتدی اقدم وجائب حیت عد ایلورز. ذاتاً بو مسئله یی دأر «روسیه یی اسلام طلبه سی جمعی» نك دلالتیلر مشار الیه احمد مدحت افندی حضرتلری طرفندن کچنلرده بر قونفرانس ویرلشیدی. تمامیلر ضبط ایدلش اولدیغندن کله جک نسخه یی انشاالله درجی مقرر در. روسیه یی اسلام طلبه سی جمعی بو خصوصه لایق اولدیغی اهمیت فوق العاده یی ویردکارندن طولایدرکه قونفرانس لر توالی ایدر جکدر. اسلامیت و انسانیت خدمت ایدنلرک جناب حق سغیلرینی مشکور بیورسون.

دیلری آره سنده بر آریلق حکمفرما در. مطلوبچه ترقی، خواص وعوام آریلغنک اورته دن قالدیرلینی کون میسر اوله جق در. خلق آکلاماز ایشه فلر، علملر یاییله ماز، ایلر ییلرین دار، کریده قالیر. بونی انکار ایدن واریسه شاهد وجودی تحکیم ایدم، اوسویله سون، گوش ایدم. هر حالده یاشایشمز اتحاد لسان، اتحاد شیوه ایلر قائم در. ذاتاً بر ایدک. دلسز اوله رق دارمه داغنیق بر حاله کلدک. عثمانی غزته سی روسیه ده لایقیله آکلا شیلماز، بالعکس روسیه ده کی غزته لر عثمانیلره مطلوبی ایفا ایدم. بویله کیدر ایشه ک صوکر خوش حیقماز. بزک خاص جهانک صلاحی، سلامتی، حقیلر ترقیسی (لفت ترکیه) منی احیا ایلر اوله جفی اظهردر: ادبیاتمز، غزته جیلغمز، رومانجیلغمز، مکتوبلشمه و قونوشمه لریمز... جله سی صاف و ساده ترکیه اولمی، ممکن مرتبه ادبیات منی عرب و عجم لغتلرندن تصفیه ایتلی در. ادبیات، الفاظ اجنبیه ایلر اولماز. عرب و عجم ایلر قاریشدیرمق ورموزدن عبارت اکلا شیلایه جق بر حاله قویق مطلوب دکل. ساده ترکیه الفاظ ایلر افاده یی میسر اولمغه چالیشمالی در. بزم اهتمام ایدر جکمز ادبیات ده شودر. بونک ایچون هر طائفه و قبائلدن ادیب وکیلر انتخاب ایدم، آنلر بر جمعیت تشکیل ایتسونلر، مواد لغویه منک اکسک اولدیغنی دوشوندرک ادبیات منی اغنا بولنده سعی و لغت منی حایه ایچون مواد لغویه منی ضبط ایدرک لغت منی توسیع ایتسونلر. اوز [کندی] لسانزده عرفلر انشا بیورسونلر. پک لزوم و احتیاج وار ایشه، لسانزده اگ ارتباطی لسانلردن الفاظ مناسبه استعاره ایتسونلر. لکن اهم اولان جهت، لسانده مفردات جهتی اولدیغنی اونو تمامق لازم. اگ لازم، اگ مشکل جهت لسانده ترکیب، تألیف جهتی در، کلامک ترکیبده تعقید سزلق مطلوب. تعقید هچ بر ایضاح ایلر زائل اولماز. کلامک ادیبکی، بلاغی الفاظ اجنبیه یی استعمالده دکلدر. کلامک ساده کی، عادیلکی الفاظ عربیه و فارسیه دن صاقلنده دکل. هر حالده کلامده اعتباری لازم شی، مفهومی افاده ده تعقید سز لکدر. شویله برمی، ادبی لسان اگ ضروری، اگ اهمیتی بر شیشمز در. اهمال و مساهله ایتک قطعاً جائز دکل.

شویله برمی لسانز ظهور ایتسونده عوملاشدیریلسون. ترکیه ده اولان ابتدائی مکتب چو جفی بعینه روسیه ده اولان اسلاملرک ابتدائی مکتب چو جفنک او قودینی کتابی او قوسون. جله سنک دماغلرینه بر طرزده ملت حسی القا ایدیلسون. تاریخ مقدسلر من بر اولدیغی حالده تاریخ ملیزده بر اولسون. عثمانی تاریخی، یا خود روسیه اسلاملری دیمک لازم دکل. هئمانلیق، روسیه لایق بزم حقیق اسممز دکل. بز لر ذاتاً ترک لرز. ایشه او وقت مکتوبله شمه و قونوشمه لر من هپ بر لسانله اجرا ایدیلر، غزته لر من جله سی بر دیل ایلر یازار لر. او وقت هپز آکلارز، هپز دوشونورز. ایشه بر اتحاد! فقط یالکز املر، امیدلر ایلر قالمسون. جناب حق نصیب بیورسون!

ترکک ناندن مکمل بر دیل یایدیغمز کی مکمل بر الفبا ده یا عیه اجتهاد ایدم. روسیه مسلمانلرینک ده حروفاتی اکسیک اولدیغنی سونلشدم. عثمانیلرک ده یازیلری تمامیلر او یغون اولدیغنی حس ایدبیورز. زیرا بعض اسامی غیر مأنوسه یی یازدقلری وقت اجنبی خطندن استبداد ایتدک لری غزته و کتب جدیدلرنده مشاهده ایدیلکده در. آنلر دخی